



Fræna Beitelag v/Atle Moen

6440 ELNESVÅGEN

Løyve til felling av skadegjerande gaupe i den søre delen av Fræna kommune

Vi viser til søknad send over pr. e-post 10. august og telefonsamtale med Atle Moen den 12. august.

Fylkesmannen gir løyve til felling av ei (1) gaupe i den søre delen av Fræna kommune i perioden 12. august - 31. oktober 2014.

Det er knytt ei rekkje vilkår til dette løyvet. Desse er lista opp i slutten av brevet.

Vedtaket er fatta med heimel i Naturmangfaldloven sin § 18 første ledd b) og § 77; jf. §§ 1, 4, 9 og 13 i rovviltforskrifta av 18.03. 2005 og vedtak fatta av Rovviltnemnda for region 6 den 23. mai 2014.

Bakgrunn

Vi blei kontakta av Leif Monsen 04. august om at det var funne lam som kunne vere drepe av gaupe på Åndal i Fræna kommune. Vi kontakta Statens naturoppsyn (SNO) slik at dei skulle få høve til å obdusere lammet. SNO har obdusert lammet. Etter det vi er kjende med er konklusjonen frå obduksjonen at lammet var drepe av gaupe. (Resultatet frå denne obduksjonen er ikkje lagt ut på den offentlege Rovbasen ennå.)

Vi fekk søknad om iverksetting av fellingsløyve på gaupe frå Fræna beitelag 10. august. Grunngevinga for å felle gaupe er:

- Det er dokumentert at gaupe har drepe lam
- Det har vore auka tap av lam som beitar på innmark i dette området både i 2013 og i 2014
- Det har ikkje lukkast å felle gaupe under den ordinære perioden med kvotefri jakt

I § 4 i rovviltforskrifta er det fastsett eit nasjonalt mål om 12 ynglingar av gaupe innafor vår region. Regionen består av Møre og Romsdal og Trøndelagsfylka. I forvaltningsplan for rovvilt i region 6 ligg Fræna kommune og kommunane rundt i område der det ikkje er mål om å ha gaupe.

Det er så mange dyr på beite allereie at skadepotensialet er vesentleg. Det finst heller ikkje enkle førebyggjande tiltak som kan redusere skadepotensialet nemneverdig. Dette gjeld spesielt sidan tapet skjer på sau som beitar på inngjerda innmark.

Vi reknar med at delar av det auka tapet av lam på innmark dei to siste åra skuldast gaupe.

Sidan Fræna kommune ligg i område prioritert for beitedyr, og det er langt unna område der det er mål om å ha ynglande gaupe, opnar difor Fylkesmannen opp for felling av gaupe i perioden 12.08. – 31.10.2014.

Lovgrunnlaget

Lov 19. juni 2009 nr. 100 om forvaltning av naturens mangfald (Naturmangfaldloven) og forskrift 18. mars 2005 nr. 242 om forvaltning av rovvilt (rovviltforskrifta) dannar den juridiske ramma for fylkesmannen sitt vedtak i saken.

Vi viser spesielt til Naturmangfaldloven § 18 første ledd b) og § 77, jf. rovviltforskriften § 13, jf. §§ 1 og 4, der det mellom anna står følgjande:

Naturmangfaldloven § 18 (anna uttak av vilt og lakse- og innlandsfisk etter vurdering av myndighetene):

Kongen kan ved forskrift eller ved enkeltvedtak tillate uttak av vilt og lakse- innlandsfisk (...) b) for å avverge skade på avling, husdyr, tamrein, skog, fisk vann eller annen eiendom, ...) Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte.

Myndigheten etter loven kan av eget tiltak iverksette uttak med formål som nevnt i første ledd bokstav a til d og g, jf. annet ledd. Uttaket regnes ikke som enkeltvedtak, og kan om nødvendig skje på annens eiendom, Kongen kan gi nærmere forskrift om slikt uttak. (...)

Rovviltforskrifta § 1 (Formål):

Formålet med denne forskrift er å sikre en bærekraftig forvaltning av gaupe, jerv, bjørn, ulv og kongeørn. Innenfor en slik ramme skal forvaltningen også ivareta hensyn til næringsutøvelse og andre samfunnsinteresser. Forvaltningen skal være differensiert slik at hensynet til ulike interesser vektlegges forskjellig i ulike områder og for de ulike rovviltarter. Forskriften skal sikre en forvaltning som vektlegger forutsigbarhet og lokal medvirkning.

Rovviltforskriften § 4.(Forvaltningsregioner og nasjonale bestandsmål for regionene)

Det skal være åtte forvaltningsregioner med tilhørende nasjonale mål for antall årlige ynglinger innenfor regionens grenser

Region 6 - Møre og Romsdal, Sør-Trøndelag og Nord-Trøndelag: 12 ynglinger av gaupe, 10 ynglinger av jerv og 3 ynglinger av bjørn.

.....

Rovviltforskrifta § 9. (Fylkesmannens myndighet til iverksetting av betinget skadefelling)

Fylkesmannen kan av eget tiltak eller etter søknad fatte vedtak om iverksetting av felling for å forhindre fremtidig skade innenfor rammen av kvote for betinget skadefelling gitt av rovviltneemnden, jf. forskriften § 8, eller Direktoratet for naturforvaltning, jf. § 13. Fylkesmannen kan delegere sin myndighet til iverksetting av slik felling til kommunen i særskilte tilfeller.

Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til

- a) områdets betydning som beitemark*
- b) skadenes omfang og utvikling*
- c) potensialet for fremtidige skader*

d) muligheten for å gjennomføre forebyggende tiltak.

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, samt metoder for felling. Det kan også gis bestemmelser om dekning av påløpte utgifter i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf. viltloven § 35.

Kvote for betinga skadefelling av gaupe fastsatt av Rovviltnemnda i region 6:

Rovviltnemnda region 6 Midt-Norge har i vedtak 23. mai 2014 sak 12/14 fatta vedtak om kvote for betinga skadefellingsløyve for gaupe. Fastsatt kvote er tre (3) individ i perioden 1. juni 2014 – 15. februar 2015. Det er per dags dato ikkje felt gaupe på skadefellingskvota.

Fylkesmannen sine vurderingar:

Etter naturmangfoldlova § 7 skal prinsippa i §§ 8 til 12 leggest til grunn som retningslinjer ved offentlig myndigheitsutøving. Offentlige vedtak som kan påverke naturmangfaldet skal så langt det er rimeleg vere tufta på vitskapleg kunnskap om artar sin bestandssituasjon samt effekt av påverknad, jf § 8.

Det er god kunnskap om gaupa sin bestandssituasjon i Noreg, jfr. det nasjonale overvakingsprogrammet for rovvilt. Førre-var-prinsippet i § 9 blir difor tillagt lita vekt i saka. Fylkesmannen viser til forvaltningsplanen for rovviltregion 6, der det ikkje er mål om å ha gaupe i den delen av fylket som denne saka gjeld. Det nasjonale bestandsmålet på 12 årlege ynglingar blir oppretthalde ved å ha gaupe innfor kvotejaktområdet på indre Nordmøre samt innfor gaupeområde i Trøndelagsfylka.

Vi legg til grunn at vi ved å oppretthalde ein gaupebestand i tråd med det nasjonale bestandsmålet for regionen, kan felle gaupe utanfor dette området utan at det verkar inn på overlevinga for gaupebestanden i Norge.

Den ordinære jakttida på gaupe er i februar og mars. I denne perioden er det kvotefri jakt på gaupe i mellom anna Fræna kommune på grunn av at det ikkje er målsetting om å ha gaupe i området.

Grunnen til at jakta startar så seint som 1. februar, er at gaupeungar held til samen med mor si fram på nyåret. Dette skjer fordi dei treng opplæring og hjelp med å skaffe mat. Felling av hogaue som har ungar er uforsvarleg på denne tida av året ut frå dyreetisk ståstad.

Det som er gjort av observasjonar i det aktuelle skadeområdet i Fræna kommune tydar på at det er ei einsleg gaupe som har valda skade. Det gjer at vi ser det som rett å avgrense fellingsløyvet til å gjelde for einsleg gaupe.

Gaupa tek dyr på innmark. Vi kan difor ikkje sjå at det er andre aktuelle førebyggjande tiltak mot gaupeskaade som kan gi tilsvarende god effekt som om det lukkast med å felle gaupe.

Konklusjon

Med bakgrunn i ei heilskapleg vurdering av situasjonen, vurderer Fylkesmannen i Møre og Romsdal at det ikkje ligg føre anna tilfredsstillande løysing i det aktuelle området enn felling av gaupe. Eit slikt uttak er vurdert til ikkje å vere til skade for gaupebestanden si overleving, eller å kome i konflikt med det nasjonale bestandsmålet for gaupe, jf. Innst. S. nr. 174 (2003-2004) og § 4 i rovviltforskrifta.

Ut frå vurderingane ovanfor og med heimel i Naturmangfaldloven sin § 18 første ledd b) og § 77; jf. §§ 1, 3, 9 og 13 i rovviltforskrifta av 18.03. 2005 og vedtak fatta av Rovviltnemnda for region 6 den 23. mai 2014 gir fylkesmannen løyve til felling av ei (1) gaupe i Fræna kommune.

Følgjande vilkår er knytt til iverksetting av fellingsløyvet:

1. Fellingsløyvet gjeld i søre delen av Fræna kommune avgrensa mot Molde kommune i sør og Aukra kommune i vest. Vidare i vest er fellingsområdet avgrensa mot Julsundet. Mot nord er området avgrensa mot Frænfjorden og Malmefjorden fram til utløpet av Fossgrova inst i Malmefjorden, vidare langs Fossgrova til der den går under veg nr 64, Langs veg nr 64 til tunellinnslaget for Tussentunellen – derfra i rett line mot toppen av Tussen (705 m o h) til kommunegrensa mot Molde.
2. Fellingsløyvet er gitt til Fræna beitelag. Oversikt over fellingsleiar og fellingslag ligg ved dette brevet. Eventuell utviding av fellingslaget kan godkjennast dersom det blir meld inn skriftleg til oss.
3. Alle i fellingslaget skal vere kjent med innhaldet i dette brevet og dei generelle reglane som er gitt i rovviltforskrifta og i forskrift om utøving av jakt, felling og fangst.
4. Tillatelsen gjeld i tidsrommet **12. august - 31. oktober 2014.**
5. Fellingsløyve gjeld gaupe som går aleine.
6. Ved felling skal det nyttast våpen og ammunisjon godkjent for jakt på gaupe, jf. forskrift om utøving av jakt, felling og fangst, fastsatt av direktoratet den 22. mars 2002, jf. § 15 og 16.
7. Gaupe felt i medhald av dette løyvet er Viltfondet sin eigedom. Ingen kan difor på nokon måte gjere seg nytte av felt dyr utan etter nærare samtykke frå Miljødirektoratet. Felt dyr skal så raskt som råd takast til Norsk institutt for naturforskning i Trondheim.
8. **Felling eller forsøk på felling** av gaupe skal straks meldast til fylkesmannen og Statens naturoppsyn. Den som feller dyr skal framvise felt dyr for Statens naturoppsyn for kontroll, merking og prøvetaking av biologisk materiale, og skyttar skal kunne påvise fellingsstad (eller eventuelt skotplass) etter oppmoding frå Statens naturoppsyn, politiet eller fylkesmannen.
9. Dersom gaupe blir skadeskoten pliktar dei ansvarlege å gjere det dei kan for å avlive dyret snarast mogleg. Skyttar plikter å forvise seg om dyr som det er skote på er treft eller ikkje. Ved skadeskyting skal skyttar utan opphald melde frå til fylkesmannen og næraste politimyndighet. Fylkesmannen avgjer vidare gjennomføring og avslutning av ettersøk. Dei som har deltatt i forsøket på felling skal utan godtgjering hjelpe forvaltningsmyndighet eller politimyndighet i det vidare ettersøket.
10. Fellingsforsøk og felling i medhald av dette løyvet kan skje utan omsyn til grunneigarretten; jf. lov om jakt og fangst av vilt § 35.
11. **Fylkesmannen kan til ei kvar tid trekke tilbake fellingsløyvet.**

Dette vedtaket kan påklagast innan tre -3- veker frå den dagen dette brevet kom fram; jf. forvaltningslova kap. IV, §§ 28 og 29. Ei eventuell klage bør grunngivast og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Fylkeshuset, 6404 Molde.

(Vedtaket blei formidla i kort-versjon til Fræna Beitelag v/Atle Moen i telefonsamtale 12. august 2014).

Med helsing

Ulf Lucasen (e.f.)
ass. miljøverndirektør

Ola Betten

Dokumentet er elektronisk godkjent og har ingen signatur.

Kopi:

Fræna kommune		6440	Elnesvågen
Lensmannen i Fræna	Torget 8	6440	ELNESVÅGEN
Statens naturoppsyn	Postboks 5672 Sluppen	7485	TRONDHEIM

Desse er med i fellingslaget:

Atle Moen	Freneidet 15	6440 Elnesvågen	Fellingsleiar
Ole Per Nøsen	Malmefjordvegen 124	6440 Elnesvågen	
Alan Slemmen	Røshol	6445 Malmefjorden	
Arnt Roar Gravem	Sørsidevegen 252	6445 Malmefjorden	
Grim Løvås	Holaflata 7	6440 Elnesvågen	
Idar Moen	Midtstuvegen 13B	6440 Elnesvågen	
Alf Åndal	Sørsidevegen 855	6408 Aureosen	
Helge Roar Åndal	Granvegen 17	6445 Malmefjorden	
Endre Lyngstad	Torveplassen 6	6409 Molde	
Oddmund Åkvik	Småskara 2	6409 Molde	
Ragnar Åndal	Auretunveien 3	6408 Aureosen	
Johnny Valle	Øverbøen 5	6440 Elnesvågen	
Anna Lovise Gjendem	Tyttebærsvingen 34	6429 Molde	
Arne Gjendem	Bygdaveien 54	6409 Molde	
Ingvar Arne Åndal	Bygdaveien 72	6409 Molde	
Knut Gjøran Åndal	Åndal	6408 Aureosen	
Edmund Hoem	Indre Hoem	6408 Aureosen	
Kennet Hustad	Sommerstølen	6440 Elnesvågen	
Bernt Remi Hustad	Indre Hoem	6408 Aureosen	
John Hustad	Kråknesvegen 243	6440 Elnesvågen	
Leif Arve Åndal	Åndal	6408 Aureosen	